

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

DOMINICA CANTATE.

Evangelium Joh. 16. v. 15,

EXORDIUM.

Cum David immanem illum Philistæum Goliath prostravisset, egressæ sunt mulieres de universis urbibus Israel, cantantes, chorosque ducentes in occursum ejus in tympanis cum lætitia & in sistris. Et præcinebant mulieres ludentes, atque dicentes: Percussit Saul mille, & David decem milia, 1. Sam. 18. v. 7.

Christus Filius Davidis, Servator noster pientissimus, etiam heroicum facinus extulavit, quando infernalem Goliath superavit. Sicut enim traditus est propter peccata nostra: ita resurrexit propter justitiam nostram, Rom. 4. v. ult. & dissolvit opera Diaboli, r. Joh. 3. v. 8. exopolians Principatus, & potestates, traduxit confederat palam, triumphans illos in seipso, Col. 2. v. 15. Iccircò officii nostri erit, ut cantantes, chorosque ducentes obviemus ei, dicentes: Magnificavit Dominus facere nobiscum, facti sumus lætantes, Psal. 126. v. 3. Magnum enim beneficium, magnam meretur gratiarum actionem. Sacrifica Deo laudem: & redde Altissimo vota tua; sacrificans laudem honorabit me, Psal. 50. v. 14. ult.

Præcipue hoc tempore, quo Deus renovat faciem terræ, Psal. 104. v. 30. & egrediens manæ & vesperi lætificat, Psal. 65. v. 7. Unde dies Dominicales inter

Pascha & Pentecosten meris lætis nominibus insigniuntur, quibus ad *Jubilate & Cantate* excitamus. Maximè ansam nobis præbet hodieatum Evangelium, in quo Servator de abitu suo ad Patrem concionatur dicens: Expedit vobis, ut ego vadam. Si enim non abiero, Paracletus non veniet ad vos. Si autem abiero, mittam eum ad vos &c.

Nos iterum ex præsenti Evangelio videbimus

- I. *Tripliæ Querelam.*
- II. *Tripliæ Medelam.*
- III. *Tripliæ Cautelam.*

J. J.

Exegesis.

ADAM primus noster parens ex curiositate manum suam ad arborem veritatem extendit, ejusque fructus degustavit: sed propterea Paradiso ejectus, & in exilium pulsus est, Genet. 3. v. 6.

Quod igitur primus Adam inobedientia suâ deperdidit? Ad alter Adam obedientia suâ restituit, dum ad locum Calvariae abiit, & per abitum illum doloriferum nobis omnibus lætum introitum in Paradisum cœlestem aperuit, Rom. 5. v. 2.

Que-